

Nuuk, 9. oktober 2023

Til: Aalisarnermut Piniarnermullu Naalackersuisoqarfik  
cc: Augusta Jerimiassen

## **Tusarniaanermut akissut pillugu: 2024-mut sinerissap qanittuani qaleralinniarnermi uiluinniarnermillu pisassiissutit-TAC**

Aalisarnermut Piniarnermullu Naalackersuisoqarfimmit sinerissap qanittuani aalisakkat ilaannut tassalu; qaleralinnut, uiluinnullu ukiumut akuerisaasumik pisassiissutit (TAC) pillugit tassungalu ilanngullugit nassuiaatit ilanngunneqartut pillugit tusarniaaneq Aalisarnermut Siunnersuisoqatigiinnut 21. september 2023 nassiunneqartoq akissuteqarnissamullu 9. oktober 2023-mut killilerneqartoq Oceans North Kalaallit Nunaannit (ONKN) maanna qimerloorsimalerpoq.

Imarisat peqqissuunissaat aamma imaani pisuussutinik piujuartitsineq tunngavigalugu ingerlatsisoqarnissaa ONKN-imit sulissutigineqarpoq. Siunissami aamma sumiiffinni inooqatigiit inuussutissaqarsinnaanerit sinerissap qanittuani aamma piujuartitsineq tunngavigalugu aqutsisoqarnissaa sumiiffinnilu inooqatigiit ingerlaannarnissaat ONKN-ip kissaatigaa. Sinerissap qanittuani aalisarneq piujuartitsineq tunngavigalugu ingerlanneqarsinnaavoq avatangiisitigut, aningaasarsiornikkut inooqatigiinnikkullu pitsaasumik aqqissuisoqarpat. ONKN-ip kaammattuutigaa uumassuseqarnerit pillugit ilisimatuussutsikkut misissuinerit tunngavigalugit siunnersuinerit malittuarneqarnissaat, siunnersuineri ungasissumut isigisaqarluni suliaammata mianerinninnissamillu tungaveqartuullutik. ONKN-imit neriuutigineqarpoq siunissami pisassiinerni qaqitanilu tamanna takuneqarsinnaajumaartoq.

ONKN-imit ernummanartinneqarpoq pisassiissutit qaqinneqartartullu siunnersuutigineqartumiit uteqqiasumik malunnaateqarluartumik qaangiisarmata taamaaliornikkullu aalisarnerup siunissaa nalorninartumiilersillugu. Siusinnerusukkut pimoorussilluinnarluni qaleralinniarnerni sunniutai qaangeriartuaarlugit qaleraeqassutsimut ilorraap tungaanut aallarfiuvoq aalaakkaasumik 47 cm-inik takissuseqalerfiulluni (arfineq marluk missaanik ukioqartut) siunnersuutigineqartoq maillugu 66 cm-inik angissuseqartoqarnissaa (ukiui aqqaneq marluk) pitsaanerpaamik aalisagaqassutsimut atuisinnanermik qulakkeerinniffiusoq suli tikinneqanngitsoq (Tunngavigisaq: Pinngortitaleriffik).

- Pisassiissutit qaqinneqartullu ilisimatuussutsikkut misissuinerit tunngavigalugit siunnersuinerit qaangerpassuk ukiut tallimat ingerlanneranni siunnersuinerimut naapertuuttumik pisassiisarnerit naafferaartumik nalimmassaasarsimanerup eqquteqqinnissaa ONKN-imit kaammattuutigineqarpoq. Tamanna pissaaq ungasinnerusoq eqqarsaatigalugu uumasooqassutsimik pitsaanerpaamik atuisinnaanissaq qulakkeerniarlugu – Uani pineqarlutik Nuummi Paamiut-Qaqortumilu qaleralittassiissutit.
- Ilisimatuussutsikkut misissuinerinik tunngavilinnik siunnersuisoqarsinnaanngippat ilisimatuussutsikkut misissuinerinut pisariaqartunut naammassinnissinnaanissaamut Namminersorlutik Oqartussat Pinngortitaleriffimmut aningaasaliissuteqassasut ONKN-ip kajumissaarutigaaa.



Oceans North Kalaallit Nunaat  
Postboks 1433, 3900 Nuuk

ONKN-mit tusarniaanermut peqataanerminut qujavoq siunissamilu ingerlaannartumik  
suleqataanissaminut qilanaarluni.

Inuulluaqqusillunga,  
Parnuna Egede Dahl, Siunnersorti, ONKN (e-mail: [parnuna@oceansnorth.gl](mailto:parnuna@oceansnorth.gl))